

四庫全書

集部

欽定四庫全書

御定全唐詩卷六百二十一

陸龜蒙

置酒行

落塵花片排香痕
闌珊醉露栖愁魂
洞庭波色惜不得
東風領入黃金尊
千鈞擲毫春譜大
碧舞紅啼相唱和
安知寂寞西海頭
青篴未垂孤鳳餓

江湖散人歌

并傳

散人者散誕之人也心散意散形散神散既無羈
限為時之怪民束於禮樂者外之曰此散人也散
人不知恥乃從而稱之人或笑曰彼病子散而目
之子反以為其號何也散人曰天地大者也在大
虛中一物耳勞乎覆載勞乎運行差之晷度寒暑
錯亂望斯須之散其可得耶水土之散皆有用乎
水之散為雨為露為霜雪水之局為瀦為洳為潢
汙土之散封之可崇穴之可深生可以藝死可以

入土之局損不可以為埏埴不可以為孟得非散
能通於變化局不能耶退若不散守名之筌進若
不散執時之權筌可守耶權可執耶遂為散歌散
傳以志其散

江湖散人天骨奇短髮搔

一作
抓

來蓬半垂手提

一作
捉孤

篁曳寒繭口誦太古滄浪詞詞云太古萬萬古民性甚

一作
怪

野無風期夜棲止與禽獸雜獨自構架

一作
架結

縱橫

枝因而稱曰有巢氏民共

一作
相與

敬貴如君師當時只效

烏鵲輩豈是有意陳尊卑無端後聖穿鑿破一派前導

千流隨多方慳亂元氣死日使文字

一作父子

生姦欺聖人

事業轉銷耗尚有漁者存熙熙風波不獨困

一作因

一士

凡百器具

一作用

皆能施畧疎滄腐鱸鰕脫

一作肥

止

一作正

失

一作失

檢馭無

一作非

讒疵人間所謂好男子我見婦女

留鬚眉奴顏婢膝真乞丐反以正直為狂癡所以頭欲

散不散弁

一作冠

我魏所以腰欲散不散珮陸離行散任

之適坐散散從傾欵語散空谷應笑散春雲

一作容

披衣散

單複便食散酸醎宜書散渾真草酒散甘醇醕屋散勢

斜直樹散行參差客散忘簪屨禽散虛籠池物外

一作外物

一以散中心散何疑不共諸侯分邑里不與天子專隍

陴靜則守桑柘亂則逃妻兒金鑣

一作鑣

貝

一作紳

帶未嘗

識白刃殺

一作投

我窮生為或聞蕃將負恩澤號令鐵馬

如風馳大君年小丞相少當軸自請都

一作諸

旌旗神鋒

悉出羽林仗績畫日月蟠龍螭太宗基業甚牢固小醜

背叛當殲夷禁軍近自肅宗置

一作署

抑遏輔國爭雄雌

必然大段剪剝逆須召勁勇持

一作扶

軍麾四方賊壘猶

占地死者暴骨生寒飢歸來輒擬荷鋤笠詬吏已責租

錢遲興師十萬一日費不啻千金何以支祇令利口且

箕斂何暇俛首哀惻嫠均荒補敗豈無術布在方冊撐

頽戲冰霜襦袴易反掌白面諸郎殊不知江湖散人悲

古道悠悠幸寄義皇傲官家

一作吾皇

未議活蒼生拜賜江

湖散人號

五歌

并序

古者歌永言詩云我歌且謠傳曰勞者願歌其事
吾言之拙艱不足稱詠且謠而歌其事者非吾而
誰作五歌以自釋意

放牛

江草秋窮似秋半十角吳牛放江岸鄰肩抵尾乍依隈
一作橫去斜奔忽分散荒陂斷塹無端入背上時時孤

鳥立日暮相將帶雨歸田家煙火微茫濕

水鳥

水鳥山禽雖異名天工各與雙翅翎雛巢吞啄即一例

游處高卑殊不停則

一作別

有脣鉞爪戟勁立直眦者擊

搏挽裂圖羶腥如此等色恣豪橫聳身往往凌青冥為

人羅絆取材力韋韝綵綬

一作綴

懸金鈴三驅不以鳥捕

鳥矢下先得聞諸經超然可繼義勇後恰似有志

一作意

行天刑鷗閒鶴散兩自遂意思不受人丁寧今朝權倚寒

江汀春

一作鷗

鉏翡翠參鵲鵲孤翹側睨瞥滅沒未是即

宵馴簷楹婦女衣襟便佞舌始得金籠日提挈精神卓

聲

一作
集

背人飛冷

一作
合

抱蕪葭宿煙月我與時情太乖

刺祇是江禽有毛駿慙慙謝汝莫相猜歸來長短同羣

活

刈穫

自春徂秋天弗雨廡廡早稻纔遮畝芒粒稀疏熟更輕

地與

一作
上

禾頭不相拄我來愁築心如堵更聽農夫夜

深語凶年是物即為災百陣野鳬千穴鼠平明抱杖入

田中十穗蕭條

一作
然

九穗空敢言一歲困倉實不了如

一作而

今朝暮春天職誰司下民籍苟有區區

一作分

宜析

析

即析字

本作耕耘意若何蟲豸兼教食人食古者為邦

須蓄積魯饑尚責如齊糴今之為政異當時一任流離

恣徵索平生幸

一作早

遇華陽客向日餐霞轉

一作亦

肥白

欲賣耕牛棄水田移家且

一作直

傍三茅宅

雨夜

屋小茅乾雨聲大自疑身著蓑衣卧無似

一作是

孤舟小

泊時風吹折葦來相佐我有愁襟無可那纔成好夢剛

驚破背壁殘

一作寒

燈不及螢重挑却向燈前坐

食魚

江南春早魚無澤歲晏未曾腥鼎鬲今朝有客賣鱸魴
手提見我長於尺呼兒舂取紅蓮米輕重相當加十倍

且作

一作圖

吳羹助早

一作朝

餐飽卧晴簷曝寒背橫戈負

羽正紛紛祇用驍雄不用文爭如曉夕謳吟樣好伴滄
洲白鳥羣

丁隱君歌

并序

隱君姓丁氏字翰之濟陽人也名飛舉讀老子莊
周書善養生能鼓琴居錢塘龍泓洞之左右或曰
憩館耳別業在深山中非得行不可適到其下
畜妻子事耕稼如常人余嘗南浮桐江途而詣龍
泓憩館獲見綸巾布裘貌古而意澹好古文樂聞
歌詩見待加厚因曰他時願為山中僕丁笑而不
應問之年曰七十二當咸通丙午歲逮今十四年
矣雷平道士葛參寥話與翰之熟至今齒髮不衰

氣力益壯疏繁導蒙灌溉判剗皆自執綆缶斤斲
輩升高望遠不翅履平地時時書細字作文紀事
皆有楷法意義夜半山靜取琴彈之奏雅弄一二
而已少睡寡言語與人相接禮簡而情至周旋累
年未嘗有罷倦之色不唯疾病也非養生之效歟
又不見其有所服餌或問之對曰治心修身之外
復有何物予始嘉其遜世又聞其老而益精又悅
其治心修身之說孔子所謂樂而壽者斯人也歟

既樂而壽則仁智充乎其內充乎其內者非有德者歟有德而不耀於世者非隱君子歟乃作丁隱君歌以寄其聲云

華陽道士南遊歸手中半卷青蘿衣

一作皮

自言逋客持

贈我乃是錢塘丁翰之連江

一作天

大抵多奇岫獨話君

家最奇秀盤燒天竺春筍肥琴倚洞庭秋石瘦草堂暗引龍泓溜老樹根株若蹲獸霜濃果熟未容收往往兒童雜猿狖去歲猖狂有黃寇官軍解

一作駭

散無人鬪滿

城奔進翰之閒只把枯松塞圭竇前度相逢正賣文一
錢不直虛云云今來利作採樵客可以拋身麋鹿羣丁
隱君丁隱君叩

一作昂

頭且莫變名氏即日更尋丁隱君

紫溪翁歌

紫溪翁過甫里先生舉酒相屬醉而歌先生側弁而和之歌闌而去

一丘之木其栖深也屋吾容不辱一溪之石其居平也
席吾勞以息一竇之泉其音清也弦吾方在懸得乎人
得乎天吾不知所以然而然

賡歌

采江之魚兮朝船有鱸
采江之蔬兮暮筐有蒲
左圖且書右琴與壺
壽歟天歟貴歟賤歟

鶴媒歌

偶繫漁舟

一作江船

汀樹枝因看射鳥
令人悲盤空野鶴忽

然下背翳見媒心不疑
媒閒靜立如無事清唳時時入

遙吹裴回未忍過南塘
且應同聲就

一作與

同類梳翎宛

若相逢喜祇怕纔來又驚起
窺鱗啄藻乍低昂立

一作注

定當冒流一矢媒歡舞躍勢離披
似諂功能邀

一作腰一作冒

弩兒雲飛水宿各自物妬侶害羣猶爾為而

一作何

況世

一作人

間有名利外頭笑語中猜忌君不見荒陂野鶴陷

良媒同類同聲真可畏

慶封宅古井行

并序

春秋左氏傳云襄二十八年齊慶封亂而來奔既而齊人來讓奔吳吳句餘與之朱方聚族而居之富於其舊後七年荆人使屈申圍朱方執慶封而盡滅其族按圖經潤之城南一里則封所居之地

詢諸故老井尚存焉因覽其遺發故歌之以志其

惡

古甃團團蘚花碧鼎滌

一作滌

寒泉深百尺江南戴白盡

能言此地曾為慶封宅慶封嗜酒荒齊政齊人剪族封
奔迸雖過魯國羞魯儒欲弄吳民竊吳柄吳分嚴邑號
朱方子家負固心彊梁澤車豪馬馳似水錦鳳玉龍森
若牆一朝雲夢圍兵至胷陷鋒鉞腦塗地因知富德不
富財顏氏簞瓢有深意宣父嘗違盜泉水水懦夫立事貪

夫止今歌此井示吳人斷綆沉瓶自茲始

小雞山樵人歌

并序

小雞山在胥門外光福之西龜蒙歲入薪五千束
於其山其供事之樵曰顧及乾符六年九月致
薪二百五十責之曰何數廉而至晚得非赭吾山
為汝之利耶與之酒繼之以歌

長其船兮利其斧輸予薪兮勿予侮田子登兮穀予庾
突晨煙兮蓬縷縷窻有明兮編有古飽而安兮惟編是

伍時不用兮吾無汝撫

吳俞兒舞歌

劍俞

枝月喉權霜脊北斗離離在寒碧龍魂清虎尾白秋照
海心同一色燾影吒沙千

一作千

影側神豪駿直四睨之

人股佶栗欲定不定定不得春牘殘兒且止狄胡有膽
大如山怖亦死

矛俞

手盤風頭背分電光戰扇欲刺敲心留半綫纏肩繞脰
襍合眩旋卓植赴列奪避中節前衝函禮穴上指字慧
滅與君一用來有截

弩俞

牛來開弦人為置鏃捩機關迸山谷鹿駭澀隼擊遲析
毫中睫洞腋分龜達堅壘殘雄師可以冠猛樂壯曲抑
揚蹈厲有裂犀兕之氣者非公與

句曲山朝真詞二首

并序

歲三月十八日句曲山道士朝真於大茅峰上學
神仙有至自千萬里者余距華陽洞天程止信宿
塵約不能遂去馳神旦旦忽若載昇矣因作朝真
詞迎送各二解以自塞意

迎真

九華磬峇寒泉急十絕幡搖翠微濕司命旂旌未下來
焚香抱簡凝神立殘星下照霓襟冷缺月纔分鶴輪影
空洞靈章發一聲春來萬壑煙花醒

送真

縈雲鳳髻飄然解玉鉞玄干儼先邁朝真弟子悄無言
再拜碧杯添沆瀣火鑪跳躍龍毛蓋腦髮青青赧絳絳
萬象銷沈一瞬間空餘月外聞殘佩

戰秋辭

八月空堂前臨隙荒抽關散扇晨烏未光左右物態森
疎強梁天隨子奕馭恂慄恍軍庸之我當濠然而溝壘
然而牆轟然而桂隊然而篁杉巉攢矛蕉標建常槁艾

矢束矯蔓弦張鼃合助吹鳥分啓行若革進而金止固

違陰而就陽無何雲顏師風旨

一作日

伯蒼茫慘

一作港

澹

隳危臧劃煙蒙上焚雨陣下棘如濠者注如壘者闢如

轟者亞如隊者析如矛者折如常者折如矢者仆如弦

者磔如吹者瘖如行者惕石有髮兮盡纍木有耳兮咸

馘

一作木具耳而盛馘

雲風雨煙乘勝之勢驕杉篁蕉蔓敗北之

氣臧天隨子曰吁秋無神則已如其有神吾為爾羞之

南北畿圻盜興五碁方州大都虎節龍旗瓦解冰碎瓜

分豆離斧抵羣老干

一作戈

穿乳兒昨宇今燼朝人暮尸

萬犢一啗千倉一炊擾踐邊朔殲傷蜚夷制質守帥披

攘城池弓弩不利甲綴不離亮渠歌笑

一作亮魁嘯歌

裂地無

疑天有四序秋為司刑少昊負宸親朝百靈蓐收相臣

太白將星可靈可電可風可霆可漚溺顛陷可天札迷

冥曾忘

一作無

鑿剪自意澄寧苟蜡禮之云責觸天怒而

誰丁奈何欺荒庭凌壞砌搬

一作撒

崇蔭批宿蕙揭編茅

而逞力斷緯蕭而作勢不過約弱歆垂戕殘廢替可謂

棄其本而趨其末捨其大而從其細也辭猶未已色若
媿恥於是墮者止偃者起

祝牛宮辭

并序

冬十月耕牛為寒築宮納而阜之建之前日老農
請乞靈於土官以從鄉教予勉之而為之辭

四特三牯中一去乳天霜降寒納此室處老農拘拘度
地不畝東西幾何七舉其武南北幾何丈二加五偶楹
當間載尺入土太歲在亥餘不足數上締蓬茅下遠官

府耕耨以時飲食得所或寢或卧免風免雨宜爾子孫
實我倉庾

迎潮送潮辭

并序

余耕稼所在松江南旁田廬門外有溝通浦漵而
朝夕之潮至焉天弗雨則輒而留之以滌濯灌
溉及物之功甚鉅其羸壯遲速繫望晦盈虛也用
之則順而進捨之則黜而退有類乎君子之道翫
而感之作迎潮送潮詞二首聊寄聲於騷人之末

迎潮

江霜嚴兮楓葉丹潮聲高兮墟落寒鷗巢卑兮漁箔

一作

箱

短遠岸沒兮光爛爛潮之德兮無際既充其大兮又

充其細密幽人兮歎柴門寂寞流連兮依稀舊痕濡腴

一作餘

澤槁兮潮之恩不尸其功兮歸於混元

送潮

潮西來兮又東下日染中流兮紅灑灑汀葭蒼兮嶼蓼

枯風騷牢兮愁煙孤大幾望兮微將晦翳晚瀛溶兮斂

然而退愛長波兮數數一幅巾兮無纓可濯帆生塵兮
檣有衣悵潮之還兮吾猶未歸

問吳宮辭

并序

甫里之鄉曰吳宮在長洲苑東南五十里非夫差
所幸之別館耶披圖籍不見其說詢故老不得其
地其名存其跡滅悵然興懷古之思作問吳宮辭
云

彼吳之宮兮江之那涯複道盤兮當高且斜波搖疏兮

霧濛箔菑國兮鴛鴦家鸞之簫兮蛟之瑟駢筠參差
兮界絲密讌曲房兮上初日月落星稀兮歌酣未畢越
山叢叢兮越溪疾美人雄劍兮相先後火出姑蘇兮沼
長洲此宮之麗人兮留乎不留霜氛重兮孤榜曉遠樹
扶蘇兮愁煙悄眇欲撫愁煙兮問故基又恐愁煙兮推
白鳥

御定全唐詩卷六百二十一

欽定四庫全書

御定全唐詩卷六百二十二

陸龜蒙

螢詩

肖翹雖振羽戚促盡疑冰風助流還急煙遮點漸

一作暫

凝不須輕列

一作別

宿纔可擬

一作亂

孤燈莫倚隋家事曾

煩下詔徵

蟬

祇憑風作使，全仰柳為都。
一腹清何甚，雙翎薄更無。
伴貂金換酒，一作置影并雀畫成圖。
恐是千年恨，偏令落日呼。

秋熱

自惜秋捐扇，今來意未衰。
慙慙付柔握，淅瀝待清吹。
午氣朱崖近，宵聲白羽隨。
總如南國候，無復婕妤悲。

村中晚望

抱杖柴門立，江村日易斜。
鴈寒猶憶侶，人病更離家。
短髮看成雪，雙眸舊有花。
何須萬一作千里外，即此是天涯。

四明山詩

并序

謝遺塵者有道之士也嘗隱於四明之南雷一旦
訪予來語不及世務且曰吾得於玉泉生知子性
誕逸樂神仙中書探海岳遺事以期方外之交雖
銅牆鬼炊虎獄劒餌無不窺也

已上八言謝語不
知所謂者何一云

出隱
中書

今為子語吾山之奇者有峰最高四穴在峰

上每天地澄霽望之如牖戶相傳謂之石窻即四
明之目也山中有雲不絕者二十里民皆家雲之

南北每相從謂之過雲有鹿亭有樊榭有潺湲洞
木實有青櫺子味極甘而堅不可卒破有猿山家
謂之鞠侯其他在圖籍不足道也凡此佳處各為
我賦詩予因作九題題四十字謝省之曰玉泉生
真不誣矣好事者為予傳之因呈襲美

石窻

石窻何處見萬仞倚晴虛積靄迷青瑱殘霞動綺疏山
應列圓嶠宮便接方諸祇有三奔客時來教隱書

過雲

相訪一程雲雲深路僅分
嘯臺隨日辨樵斧帶風聞曉
著衣全濕寒衝酒不醺幾迴歸思靜
髣髴見蘇君

雲南

雲南更有溪丹礫盡無泥藥有巴
賁賣枝多越鳥啼夜
清先月午秋近少嵐迷若得山顏住
芝簦手自攜

雲北

雲北是陽川人家洞壑連壇當星斗
下樓撈翠微邊一

半遙峰雨三條古井煙金庭如有路應到左神天

鹿亭

鹿亭巖下置

一作坐

時領白麕過草細眠應久泉香飲自

多認聲來月塢尋跡到煙蘿早晚吞金液騎將上絳河

樊榭

樊榭何年築人應白日飛至今山客說時駕玉麟歸乳
蒂緣松嫩芝臺出石微憑欄虛目斷不見羽華衣

潺湲洞

石淺洞門深潺湲萬古音似吹雙羽管如奏落霞琴倒
穴漂龍沫穿松濺鶴襟何人乘月弄應作上清吟

青櫺子

山實號青櫺環岡次第生外形堅綠殼中味敵瑤英隨
石樵兒拾敲林宿鳥驚亦應仙吏守時取薦層城

鞠侯

何事鞠侯名先封在四明但為連臂飲不作斷腸聲野
蔓垂纓細寒泉佩玉清滿林遊宦子誰為作君卿

奉和襲美贈魏處士五貺詩

五瀉舟

樣自桐川得詞因隱地成好漁翁亦喜新白鳥還驚沙
際擁江沫渡頭橫雨聲尚應嫌越相遺禍不遺名

華頂杖

萬古陰崖雪靈根不為枯瘦於霜鶴脰奇似黑龍鬚拄
訪譚玄客持看潑墨圖湖雲如有路無可到仙都

太湖硯

誰截小秋灘間窺四緒寬繞為千嶂遠深置一潭寒坐
久雲應出詩成墨未乾不知新博物何處擬重刊

烏龍養和

養和名字好偏寄道情深所以親逋客兼能助五禽倚
肩滄海望鉤膝白雲吟不是逍遙侶誰知世外心

訶陵尊

魚酪匠成尊猶殘海浪痕外堪欺玳瑁中可酌崑崙
水繞苔磯曲山當草閣門此中醒復醉何必問乾坤

名酒

奉酬襲美早春病中書事

祇貪詩調苦不計病容生我亦休文瘦君能叔寶清藥
須勤一服春莫累多情欲入毘耶問無人敵淨名

又酬次韻

從來多遠思尤向靜中生所以令心苦還應是骨清酒
香偏入夢花落又闌情積此風流事爭無後世名

奉酬襲美秋晚見題二首

為愛晚窻明門前亦嬾行圖書看得熟鄰里見還生鳥

啄琴材響僧傳藥味精緣君多古思攜手上空城
何事樂漁樵巾車或倚橈和詩盈古篋賒酒半寒瓢失
雨園蔬亦無風艸葉彫清言一相遺吾道未全消

奉和襲美初冬章上人院

每伴來方丈還如到四禪菊承荒砌露茶待遠山泉畫
古全無跡林寒却有煙相看吟未竟金磬已泠然

襲美見題郊居十首因次韻酬之以伸榮謝

近來唯樂靜移傍故城居閒打修琴料時封謝藥書夜

停江上鳥晴曬篋中魚出亦圖何事無勞置棧車

倩人醫病樹看僕補衡茅散髮還同阮無心敢慕巢簡

便書露竹尊待破霜匏日好林間坐煙蘿近

一作僅

欲交

倭僧留海紙山匠製雲牀嬾外應無敵貧中直是王池

平鷗思喜花盡蝶情忙欲問新秋計菱絲一畝強

故山空自擲當路竟誰知祇有經時策全無養拙資病

深憐炙客炊晚信樵兒謾欲陳風俗周官未採詩

福地能容壅玄闕詎有扉靜思瓊版字閒洗鐵筇衣鳥

破涼煙下人衝暮雨歸故園秋草夢猶記錄微微

水影沈魚器鄰聲動緯車燕輕捎墜葉蜂嬾卧焦花說
史評諸例論兵到百家明時如不用歸去種桑麻

禹穴奇編缺雷平異境殘靜吟封錄檢歸興削帆竿白
石堪為飯青蘿好作冠幾時當斗柄同上步罡壇

強起披衣坐徐行處暑天上階來鬬雀移樹去驚蟬莫
問鹽車駿誰看醬瓿玄黃金如可化相近買雲泉

野入青蕪巷陂侵白竹門風高開栗刺沙淺露芹根迸

鼠緣藤桁飢鳥立石盆東吳雖不改誰是武王孫
疎慵真有素時勢盡無能風月雖為敵林泉幸未憎酒
材經夏闕詩債待秋徵祇有君同癖間來對曲肱

和張廣文賁旅泊吳門次韻

高秋能叩觸天籟忽成文苦調雖潛倚靈音自絕羣茅
峰曾醺斗笠澤久眠雲許伴山中躅三年任一醺

又次前韻酬廣文

獨倚秋光岼風漪學簞文玄堪教鳳集書好換鵝羣葉

墮平臺月香消古徑雲強歌非白紵聊以送餘醺

送延陵張宰

春盡未離關之官亦似閒不嫌請薄俸為喜帶名山默
禱三真後高吟十字還

季子有仲尼所書十字碑

祇應江上鳥時下

訟庭間

送人罷官歸茅山

呼僮曉拂鞍歸上大茅端薄俸雖休入明霞自足餐暗
霜松粒赤疎雨草堂寒又鑿中峰石重修醮月壇

立春日

去年花落時題作送春詩自為重相見應無今日悲道
孤逢識寡身病買名遲一夜東風起開簾不敢窺

中秋夜寄友生

秋來一度滿重見色難齊獨坐猶過午同吟不到西疎
芒唯斗在殘白合河迷更憶前年望孤舟泊大溪

御定全唐詩卷六百二十二

欽定四庫全書

御定全唐詩卷六百二十三

陸龜蒙

奉和襲美古杉三十韻

衆木盡相遺孤芳

一作杉

獨任奇錘天形碑兀當殿勢啟

危恐是夸娥怒教臨截薛衰節穿開耳目根癭坐熊羆

世只論榮落人誰問等衰

初危切

有巔從日上無葉與秋

欺虎搏應難動鵬蹲不敢遲戰鋒新缺齧燒岸黑點鰲

鬪死龍骸雜爭奔鹿角差肢

一作肢

銷洪水腦稜聳梵天

眉磔索珊瑚湧森嚴獬豸窺向空分犖指衝浪出鯨鬚

楊僕船撞在蚩尤陣轟隳下連金粟固高用鐵菱披挺

若苻堅棹浮於祖納椎崢嶸驚露鶴趑趄閱雲螭傍宇

將支壓撐霄欲抵毆背交蟲臂掎相向鶻拳追格

音閣筆

荖

初加切

猶立階干卓未麾鬼神應暗畫風雨恐潛移已

覺寒松伏偏宜后土疲好邀清嘯傲堪映古茅茨材大

應容蝎年深必孕變後雕依佛氏初植必僧彌

寺即東晉王家

別墅僧彌
王珉小字

擁腫煩莊辯
槎牙費庾詞
詠多靈府困
搜苦化權卑
類既區中寡
朋當物外推
蟠桃標日域
珠草侍仙墀
真宰誠求夢
春工幸可醫
若能噓嶰竹
猶足動華滋

奉和襲美新秋言懷三十韻次韻

身閒唯愛靜
籬外是荒郊
地僻憐同巷
庭喧厭累巢
岼聲搖舴艋
窻影辨蠨蛸
徑祇溪禽下
關唯野客敲
竹岡從古凸
池緣本來纈
早藕擎霜節
涼花束紫梢
漁情隨

鍾網獵興起鳴髀好夢經年說名方著處抄才

一作木

疎

惟自補枝癢欲誰抓窻靜常懸雜鞭閑不正鞘山衣輕

芥藻天籟逸弦匏蕙轉

一作展

風前帶桃烘雨後膠蘚乾

黏晚砌煙濕動晨庖沈約便圖籍揚雄重酒肴日曾窺

絕洞耳不犯征饒厯外窮飛朔著中記伏文石林空寂

歷雲肆宵曉詭松桂何妨蠹龜龍亦任嘲未能丹作髓

誰相紫為胞莫把榮枯異但

平聲

和大小包由弓援不捷

梁園虎忘虓舊友懷三益關山阻二嶠道隨書簾古時

共釣輪拋好作忘機士須為莫逆交看君馳諫草憐我
卧衡茅出處雖冥默薰蕕肯溷穀岸沙從鶴印崖蜜勸
人籛白菌盈枯枿黃精滿綠筍仙因隱居信禪是淨名
教勿謂江湖永終浮一大炮

一作
泡

和襲美江南書情二十韻寄祕閣韋校書貽之
商洛宋先輩垂文二同年次韻

我志如魚樂君詞稱鳳銜暫來從露冕何事買雲巖水
石應容病松篁未聽讒

一作
罐

香松蠹膩山信藥苗緘

愛鷺歌危立思猿矐鏢衛謝才偏許朏阮放最憐咸大
樂寧忘岳奇工肯顧城客愁迷舊隱鷹健想秋甕硯缺
猶慵琢文繁却要芟雨餘幽沼淨霞散遠峰巉洗筆煙
成段培花土作杓訪僧還覓伴醫鶴自須監荒廟猶懷
季清灘幾夢嚴背風開蠹簡衝浪試新帆悶憶年支酒
閑裁古樣衫釣家隨野舫仙蘊逐雕函度歲賒羸馬先
春買小蟻共疏泉入竹同坐月過杉染翰窮高致懷賢
發至誠不堪潘子鬢愁促易彭彭

憶襲美洞庭觀步奉和次韻

聞君遊靜境雅具更縱縱竹傘遮雲徑藤屨踏蘚砒杖
斑花不一尊大癭成雙水鳥行沙嶼山僧禮石幢已甘
三秀味誰念百牢腔遠棹投何處殘陽到幾窻仙謠珠
樹曲村餉白醅缸地里方吳會人風似丹厖探幽非遜
世尋勝肯迷邦為讀江南傳何賢過二龐

江墅言懷

病身無稚子田舍劣相容跡共公卿絕貧須稼穡供月

方行

一作行方

到閨霜始近言

一作來

濃樹少棲禽
雜村孤守

犬重汀洲藏晚弋
籬落露寒春野并
歛還整家書拆又

封杉篁宜夕照
窻戶倚疎鐘
南北唯聞戰縱橫
未勝農

大春雖苦學
叔夜本多慵
直使貂裘弊猶

一作還

堪過一

冬

自和次前韻

命既時相背
才非世所容
著書糧易絕
多病藥難供
夢

為懷山數愁
因戒

一作忌

酒濃鳥媒呈
不一魚寨下
仍重

晚桁蓑兼褐晴簷織帶春著籤分水味標石認田封此
地家三戶何人祿萬鍾草堂聊當貴金穴任輕農把釣
竿初冷題詩筆未慵莫憂寒事晚江上少嚴冬

秋日遣懷十六韻寄道侶

盡日臨風坐雄詞妙略兼共知時世薄寧恨歲華淹且
把靈方試休憑吉夢占夜然燒汞火朝煉洗金鹽有路
求真隱無媒舉孝廉自然成嘯傲不是學沈潛水恨同
心隔霜愁兩鬢霜鶴屏憐掩扇烏帽愛垂簷雅調宜觀

樂清才稱典籤冠
啟玄髮少書健
紫毫尖故疾因秋
白塵容畏日黔
壯圖須行行儒服
謾襜褕片石聊當
枕橫煙欲代簾
蠹根延穴蟻疎
葉漏庭蟾藥鼎
高低鑄雲菴
早晚苦胡麻如
重寄從謂我無厭

京口與友生話別

共是悲秋客相逢恨不堪
鴈頻辭薊北人尚在江南名

利機初發樵漁事先諳
松門穿戴寺荷徑繞秦潭

秦潭始皇

所開繩檢真難束疎慵却易耽
枕當高樹穩茶試遠泉甘

架上經唯一尊前雅祇三風雲勞夢想天地入醺酣
自堯階數書因禹穴探御龍雖世祿下馬亦清譚
國計徒盈策家儲不滿甌斷簾從燕出啟弁請一作情人簪木

墜涼來葉山橫霽後嵐竹窻深竚篠苔洞綠龕弁積行

依顏子和光則老聃杖誠為虎節披一作被信作鮫函養

鷺看窺沼尋僧助結菴功名思馬援歌唱咽羊曇乞食

羞孤鳳無衣羨八纓繫帆留宿客吟句任羸驂寵鶴空

無衛占烏未見鄠杳還須是桂青會出於藍蜀酒時傾

詠吳鰕徧

一作徧

發柑

苦甘切

玉封千挺藕霜閉一筒柑惜

佩終邀禍辭環好激貪宗溟雖泐澮成廈必梗柟碧玉

雕琴薦黃金飾劒鐔煙綠莎砌引水為藥畦擔博物君

能繼多才我尚慙別離猶得在秋鬢未髣髴

丹陽道中寄友生

煙樹綠微微春流浸竹扉短蓑攜稚去孤艇載魚歸海
俗蘆編室村娃練束衣舊栽奴橘老新刈女桑肥錦鯉
衝風擲絲禽掠浪飛短亭幽徑入陳廟數峰圍地廢金

牛暗陵荒石獸稀思君同一望帆上怨餘暉

寄茅山何道士

終身持玉爲丹訣未應傳況是曾同宿相違便隔年問
顏知更少聽話想踰玄古錄文垂露新金永絕煙蜂供
和餌蜜人寄買溪錢紫燕長巢硿青龜忽上蓮篋藏徵
隱詔囊佩攝生篇圃暖芝臺秀巖春乳管圓池栖子孫
鶴堂宿弟兄仙幸閱靈書次心期賜一編

江南秋懷寄華陽山人

櫛髮涼天曙含毫故國情歸心一夜極病體九秋輕忽
起檐榆詠因悲絡緯鳴逢山即堪隱何路可圖榮樸策
空占命持竿不釣名忘憂如有待縱嬾似無營小徑纔
分草斜扉劣辨一作辨荆冷荷承露蒨疎荊卧煙莖譜為

聽琴閱圖緣看海湄

一作
瘞

鷺毛浮島白魚尾撒波蘋庭

橘低攀嗅園葵旋折烹餓烏窺食案鬪鼠落書棚種豆
悲楊惲投瓜憶衛旌東林誰處士南郭自先生分野星
多蹇連山卦少亨衣裾徒博大文籍漫縱橫蘭葉騷人

佩萼絲內史羹鴉冠難適越羊酪未饒僖倚嘯微抽恨
論玄好析醒栖遲勞鼓篋豪俠愛金籛鍊藥傳丹鼎嘗
茶試石甌治連枯葦暗窻對脫梧明未達譏張翰非才
嫉襴衡遠懷魂易黯幽憤骨堪驚礪缺知牙利磨瑕見
璧瑛道源疏滴漑儒肆售精誠敢歎良時擲猶勝亂世
櫻相秦猶幾死王漢尚當黥飲啄期應定窮通勢莫爭
髡鉗為皂隸譚笑得公卿浴日安知量追風不計程塵
埃張耳分肝膽季心傾諭蜀專操檄通甌獨請纓匹夫

能曲踊萬騎可橫行許國輕妻子防邊重戰耕俄分上
尊酒驟厭五侯鯖靜默供三語從容等一枰弘深司馬
法雄傑貳師兵朔雪埋烽燧寒笳裂旆旌乘時收句注
即日掃欃槍武昔威殊俗文令被八紘琮璜陳始畢韶
夏教初成芽孽羣妖滅松筠百度貞郎官青瑣拜使者
繡衣迎帝道將雲闕澆波漸砥平學徒羞說霸佳士恥
為跼負杖歌栖畝操觚賦北征才當曹斗怯書比惠車
盈謝氏憐兒女郝家貴舅甥唯荒稚珪宅莫贈景山鎗

賢彥風流遠江湖思緒縈謳啞揺舴艋出沒漾鷓鴣晚
樹參差碧竒峰邈迤晴水喧摠紫茱村響舛香杭荷笠
漁翁古穿籬守犬獐公衫白紵卷田餉綠筍擎地與膏
腴錯人多富壽并相歡時帖泰獨坐歲崢嶸唧噴蛩吟
壁連軒鶴舞楹戍風飄疊鼓鄰月動哀箏未得文章力
何由俸祿請和鉛還楮楮持斧自丁丁驚懼疑凋朽功
勤過屑瓊凝神披夕秀盡力取朝英蠹簡開塵篋寒燈
立曉檠靜翻詞客系閑難史官評天地寧舒慘山川自

變更祇能分跼惠誰解等殤彭項豈重瞳聖夢猶一足
鬢阮高酣麴蘖莊達謝犧牲齟古無勞話寬心豈可盛
但從鑪冶鍛莫受尉羅嬰硯撥萍根洗舟衝蓼穗撐短
床編翠竹低机一作几凭紅檉霜信催楊柳煙容裏杜蘅

桁排巢燕燕屏畫醉猩猩嬾檜推嵐影飛泉撼玉琤
舳尋遠近握槩鬪輸贏枝壓離披瓠簷垂礪磊橙忘情
及宗炳抱疾過劉楨野饋夸菰飯江商賈蕉飭送神袍
瓦釜留客上資觥舉楫揮青劒鳴榔扣遠鉦鳥行沈莽

碧

一作
蒼

魚隊破泓澄手戟非吾事腰鑣且發矟諒難求

標標聊欲取錚錚幾歎蟲甘蓼還思鹿美苹愁長難自
剪歌斷有誰賡未去師黃石空能說白珩性湍休激浪
言莠罷抽萌地僻琴尊獨溪寒杖屨清物齊消臆對戈
倒共心盟絲曳靈妃瑟金涵太子笙幽棲膠竹塢仙慮
驛蓬瀛想像珠襦鳳追飛翠藥鶯霧縠簾深杳悄雲磬冷
敲鏗錄字多階品華陽足弟兄焚香凝一室盡日思層
城匿景崦嵫色呀空渤澥聲吾當營巨黍東去射長鯨

送宣武從事越中按獄

曉看呈使範知欲敕星軺水國難驅傳山城便倚橈東
籌先獨立持法稱高標旌旆臨危堞金絲發麗譙別愁
當翠巘冤望隔風潮木落孤帆迴江寒疊鼓飄客鴻吳
島盡殘雪剡汀消坐想休秦獄春應到柳條

江南冬至和人懷洛下

昔居清洛涯長恨苦寒遲自作江南客稀遲下雪時有
煙栖菊梗無凍落杉枝背日能尋徑臨風尚覆碁鳥聲

渾欲轉草色，固應知與看。
平湖上東流，或片漸。

謹和諫議罷郡敘懷六韻

已報東吳政，初捐左契歸。
天應酬苦節，人不犯寒威。
江上思重借，朝端望載飢。
紫泥封夜詔，金殿賜春衣。
對酒情何遠，裁詩思極微。
待升鎔造日，江海問漁扉。



御定全唐詩卷六百二十三

欽定四庫全書

集部

御定全唐詩卷六百二十四至七

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官助教臣汪日贊

謄錄監生臣李大綬

欽定四庫全書

御定全唐詩卷六百二十四

陸龜蒙

二遺詩

并序

二遺者何石枕材琴薦也石者何松之所化也松

者

一作化於

何越之東陽也東陽多名山就中金華為

最枝峰蔓壑秀氣磅礴者數百里不啻神仙登臨
草木芬怪永康之地亦蟬聯其間中饒古松往往

化而為石盤根大柯文理曲折盡為好事者得

一作

攻而致於人間以為耳目之異太山羊振文得枕

材趙郡李中秀得琴薦皆茲石也咸以遺予予以

二遺之奇聊賦詩以謝

誰從毫末見參天又到蒼蒼化石年萬古清風吹作籟

一條寒溜滴

一作
潞

成穿

一作
川

閒追金帶徒勞恨靜格朱

絲更

一作
也

可憐幸與野人俱

一作
供

散誕不煩良匠更雕

鐫

鷓鴣

并序

客有過震澤得

一作尋

水鳥所謂鷓鴣者貺予黑襟

青脰碧爪丹喙

一作碧丹爪

色幾及項質甚高而意甚

卑

一作草

戚畏人予極哀其野逸性又非以能招累

者而囚錄籠檻逼迫窻戶俛啄仰飲為活大不快
真天地之窮鳥也為之賦詩擬好事者和

詞賦曾誇鸚鵡流果為名誤別滄洲雖蒙靜置疎籠晚
不似閒栖折葦秋自昔稻梁高鳥畏至今珪組野人讐

防徽避繳

一作釣

無窮事好與裁書

一作詩

謝白鷗

新秋月夕客有自遠相尋者作吳體二首以贈

風初寥寥月乍滿杉篁左右供

一作有

餘清因君一話故

山事憶鶴互應深溪聲雲門老僧定未起白閣道士遙

相迎日聞

一作世間

羽檄日夜急

一作至

掉臂欲歸巖下行

驚聞遠客訪良夜扶病起坐綸巾歆清談白紵思悄悄
玉繩銀漢光離離三吳煙霧且如此百越琛賁來何時
林端片月落未落強慰別情言後期

閒書

病學高僧置一牀披衣纔暇即焚香門階雨過苔花潤
小簟風來薤葉涼南國羽書催部曲時黃巢圍廣州告急東山毛
褐傲羲皇升平聞一作人道無時節試問中林亦不妨

獨夜

新秋霽夜有清境窮檐一作檐病客無佳期生公把經向
石說而我對月須人為獨行獨坐亦獨酌獨玩獨吟還
獨悲古稱獨坐與獨立若比羣居終校奇

寄吳融

一夜秋聲入井桐，數枝危綠怕西風。
霏霏晚砌煙華上，

淅淅疎簾雨氣

一作欲

通君整

一作隱

輪蹄名未了，我依琴

雲

一作

鶴病相攻到頭江，畔從漁事織作中流萬尺

一作足

筵

中秋待月

轉缺霜輪上轉遲，好風偏似送佳期。
簾斜樹隔情無限，

燭暗香

一作花

殘坐不辭最愛笙，調聞北里漸看星。澹失

南箕何人為校清涼力未似一作欲減初圓一作及午時

重憶白菊

一本作二絕句

我憐貞白重寒芳前後叢生夾小堂月一作霜朶暮一作併

開無絕豔風莖時動有奇香何慙謝雪清才一作中情詠不

羨劉梅貴主一作色妝更憶幽窻凝一夢一作望夜來村落

一作月有微霜

別墅懷歸

水國初冬和暖天南榮方好背陽眠題詩朝憶復暮憶

見月上弦還下弦遙為晚花吟白菊近炊香稻識紅蓮
何人授我黃金百買取蘇君負郭田

寄淮南鄭

一作寶

書記

記室千年翰墨孤唯君才學似應徐五丁驅得神功盡
二酉搜來祕檢疎煬帝帆檣留澤國淮王牋奏入班書
清詞醉草無因

一作人

見但釣寒江半尺鱸

小雪後書事

時候頻過小雪天江南寒色未曾

一作多

偏楓汀尚憶逢

人別麥隴唯應

一作憑

欠雉眠更擬結茅臨水次偶因行

藥到村前鄰翁意緒相安慰多

一作曾

說明年是稔年

寒夜同襲美訪北禪院寂上人

月樓風殿靜沈沈披拂霜華訪道林鳥在寒枝棲影動
人依古堞坐禪深明時尚阻青雲步半夜猶追白石吟
自是海邊鷗伴侶不勞金偈更降心

和襲美江南道中懷茅山廣文南陽博士三首

次韻

一片輕帆背夕陽望三峰拜七真堂

三茅二許一楊
一郭是為七真

天

寒夜漱雲牙淨雪壞晴梳石髮香自拂煙霞安筆格獨

開封檢試砂牀莫言洞府能招隱會輾轢輪見玉皇

壺中行坐可攜天何況

一作向

林間息萬緣組綬任垂三

品石佩環從落四公泉丹臺已運陰陽火

一作氣

碧簡須

雕一作調

次第仙

廣文三年
猶在場中

想得雷平春色動五

一作玉

芝

煙甲

一作草

又芋眠

良常應不動移文金醴從酸亦自醺

蓬萊公洛廣文以
金醴四升待主簿

主簿恨其味酸

桂父舊歌飛絳雪桐孫新

一作道

韻倚玄雲春臨

柳谷鶯先覺曙醺蕪香

一作靈蕪

鶴共聞珍重雙雙玉條脫

盡憑三島寄羊君

早春雪中作吳體寄襲美

迎春避臘不肯下欺花凍草還飄然光填馬窟蓋塞外
勢壓鶴巢偏殿巔山爐癭節萬狀火墨突乾衰孤穗煙
君披鶴氅獨立何人解道真神仙

奉和襲美吳中言情見寄次韻

菰煙蘆雪是儂鄉釣線隨身好坐忘徒愛右軍遺點畫
閒披左氏得膏肓無因月殿聞移屣祇有風汀去採香
莫問江邊漁艇子玉皇看賜羽衣裳

和襲美揚州看辛夷花次韻

柳疎梅墮少春叢天遣花神別致功高處朵稀難避日
動時枝弱易為風堪將亂蘂添雲肆若得千株
一作枝便
雪宮不待羣芳應有意等閒桃杏即爭紅

奉和襲美行次野梅次韻

飛權參差拂早梅，強欺寒色尚低徊。
風憐薄媚留香與，月會深情借豔開。
梁殿得非蕭帝瑞，齊宮應是玉兒媒。
不知謝客離腸醒，臨水應一作添萬恨來。

奉和襲美暇日獨處見寄

謝府殷樓少暇時，又拋清晏入書帷。
三千餘歲上下古，

八十一家文字奇。

司馬遷書上下紀三千餘歲
太玄有八十一家率多奇字

冷夢漢

臯懷鹿隱靜憐煙，鳥覺鴻離知君滿。
篋前朝事鳳諾龍，

奴借與窺。

奉和襲美見訪不遇

為愁煙岸老塵囂扶病呼兒斲翠苔祇道府中持簡牘
不知林下訪漁樵花盤小墪晴初雁葉擁疎籬凍未燒
倚杖徧吟春照午一池冰段幾多消

酬襲美見寄海蟹

藥杯應阻蟹螯香却乞江邊採捕郎自是揚雄知郭索

太玄經云
蟹之郭索

且非何屑敢餽餽

何屑侈於食味稍欲去
其甚者猶有鮠腊糟蟹

骨

清猶似含春靄沫白還疑帶海霜強作南朝風雅客夜

來偷醉早梅傍

奉和襲美開元寺客省早景即事次韻

日上果愚疊影紅一聲清梵萬緣空
襪襪滿地貝多雪料峭入樓于闐風
水榭初抽寥泺思竹窻猶挂夢魂中

靈香散盡禪家接誰共殷源小品同

辨正論亦有九流
一曰禪家者流殷

浩讀小品經下二百
籤疑義以問支道林

獨夜有懷因作吳體寄襲美

人吟側景抱凍竹鶴夢缺月沈枯梧
清澗無波鹿無魄

白雲有根虬有鬚雲虬澗鹿真逸調刀名錐利非良圖
不然快作燕市飲笑撫肉枰音磬眠酒壚

闔閭城北有賣花翁討春之士往往造焉因招

襲美

故城邊有賣花翁水曲舟輕去盡通十畝芳菲為舊業
一家煙雨是元功閒添藥品年年別笑指生涯樹樹紅
若要見春歸處所不過攜手問東風

奉和襲美病中庭際海石榴花盛發見寄次韻

紫府真人餉露囊
猗蘭燈燭未熒煌
丹華乞曙先侵日
金焰欺寒却照霜
誰與佳名從海曲
祇應芳裔出河陽
那堪謝氏庭前見
一段清香染郗郎

襲美以春橘見惠兼之雅篇因次韻酬謝

到春猶作九秋鮮
應是親封白帝煙
良玉有漿須讓味
明珠無類亦羞圓
堪居漢苑霜梨上
合在仙家火棗前
珍重更過三十子
不堪分付野人邊

王僧辯嘗為荆南
得橘一蒂三十子

以獻梁
元帝

奉和襲美病中書情寄上崔諫議次韻

或偃虛齋或在公謁然林下昔賢風庭前有蜨爭煙藥
簾外無人報水筒行藥不離深幌底

時患眼疾

寄書多向遠

山中西園夜燭偏堪憶曾為題詩刻半紅

奉酬襲美病中見寄

逢花逢月便相招忽卧雲航

一作疏

隔野橋春恨與誰同

酩酊玄言何處問逍遙題詩石上空迴筆拾蕙汀邊獨

倚橈早晚却還巖下電

襲美時有眼疾

共尋芳徑結煙條

奉和襲美病孔雀

嬾移金翠傍簷楹斜倚芳叢舊態生唯奈

一作耐

瘴煙籠

飲啄可堪春雨滯飛鳴鴛鴦水畔迴頭羨荳蔻圖前舉

眼驚爭得鷓鴣來伴

一作往

著不妨還校有心情

上元日道室焚修寄襲美

三清今日聚靈官玉刺齊抽謁廣寒執蓋冒花香寂歷

侍晨交佩響闌珊

執蓋侍晨皆仙之貴侶矣

將排鳳節分階易欲校

龍書下筆難唯有世塵中小兆夜來心拜七星壇

正月十五惜春寄襲美

六分春色一分休，滿眼東波盡是愁。
花匠凝寒應束手，酒龍多病尚垂頭。
無窮嬾惰齊中散，有底機謀敵右侯。
見織短蓬裁小楫，擎煙閒弄箇漁舟。

襲美病中聞余遊顏家園見寄次韻酬之

日華風蕙正交光，羯末相攜藉草塘。

羯謝玄小字末謝川小字

佳酒

旋傾醽醁嫩短船，閒弄木蘭香煙絲。
鳥拂來縈帶葉，檣人收去約簧今。
日好為聯句，會不成剛為欠檀郎。

春雨即事寄襲美

小謝輕埃日日飛

小謝詠雨詩有散漫似輕埃句

城邊江上阻春暉雖

愁野岸花房凍還得山家藥笋肥
雙屐著頻看齒折敗裘披苦見毛稀
比鄰釣叟無塵事灑笠鳴蓑夜半歸

奉和襲美抱疾杜門見寄次韻

雖失春城醉上期下帷裁徧未裁詩
因吟郢岸百畝蕙復采高崖三秀枝
棲野鶴籠寬使織施山僧飯別教炊
但醫沈約重瞳健不怕江花不滿枝

偶掇野蔬寄襲美有作

野園煙裏自幽尋
嫩甲香蕤引漸深
行歇每依鴉舅影
挑頻時見鼠姑心
凌風藹彩初攜籠
帶露虛疎或貯襟
欲助春盤還愛否
不妨蕭灑似家林

奉和襲美卧疾感春見寄次韻

共尋花思極飛騰
病帶春寒去未能
煙徑水涯多好鳥
竹牀蒲椅但高僧
須知日富為神授
祇有家貧免盜憎
除却數函圖籍外
更將何事結良朋

徐方平後聞赦因寄襲美

新春旒扆御輦軒海內初傳渙汗恩秦獄已收為厲氣

瘴江初返未招魂英材盡作龍蛇蟄

時停貢舉

戰地多成虎

豹村除却數般傷痛外不知何事及王孫

襲美以魚牋見寄因謝成篇

擣成霜粒細鱗鱗知作愁吟喜

一作幸

見分向日乍驚新

繭色臨風時辨白萍文

魚子曰白萍

好將花下承金粉堪送

天邊詠碧雲見倚小窻親襞染盡圖春色寄夫君

次和襲美病後春思

氣和靈府漸氤氲酒有賢人藥有君
七字篇章看月得
百勞言語傍花聞
閒尋古寺消晴日
最憶深溪枕夜雲
早晚共搖孤艇去
紫屏風外碧波文

襲美以公齋小宴見招因代書寄之

早雲纔破漏春陽
野客晨興喜又忙
自與酌量煎藥水
別教安置曬書牀
依方釀酒愁遲去
借樣裁巾怕索將
唯待數般幽事了
不妨還入少年場

京口

江千古渡傷離情斷山零落春潮平東風料峭客帆遠
落葉夕陽天際明戰舸昔浮千騎去釣舟今載一翁輕
可憐宋帝籌帷處蒼翠無煙草自生

潤州送人往長洲

秋來頻上向吳亭每上思歸意剩生廢苑池臺煙裏色
夜村蓑笠雨中聲汀洲月下菱船疾楊柳風高酒旆輕
君住松江多少日為嘗鱸膾與蓴羹

潤州江口送人謁池陽衛郎中

山翁曾約舊交歡，須拂侯門側注冠。
月在石頭搖戍角，風生江口亞帆竿。
閒隨野醉溪聲鬧，獨伴清譚曉色殘。
待取新秋歸更好，九華蒼翠入樓寒。

欽定四庫全書

御定全唐詩卷六百二十五

陸龜蒙

襲美以紗巾見惠繼以雅音因次韻酬謝

薄如蟬翅背斜陽不稱春前贈
留郎初覺頂寒生遠吹
預憂頭白透新霜堪窺水檻澄
波影好拂花牆亞藥香
知有芙蓉留自戴

桐柏真人戴芙蓉冠也

欲峨煙霧訪黃房

聞襲美有親迎之期因以寄賀

梁鴻夫婦欲雙飛
細雨輕寒拂雉衣
初下雪窻因春戀
次乘煙憶奈光輝
參差扇影分華月
斷續簫聲落翠微
見說春風偏有賀
露花千朵照庭闈

襲美以巨魚之半見分因以酬謝

誰與春江上信魚
可憐霜刃截來初
鱗隨似撒騷人屋
腹斷疑傷遠客書
避網幾跳山影破
逆風曾颺浪花虛
今朝最是家童喜
免泥荒畦掇野蔬

奉和襲美館娃宮懷古次韻

樓楣消落濯春雨蒼翠無言空斷崖草碧未能忘帝女
燕輕猶自識宮釵江山祇有愁容在劒珮應和媿色埋
賴有伍員騷思少吳王纔免似荊懷

同襲美遊北禪院

院即故司勳
陸郎中舊宅

連延花蔓映風廊岸幘披襟到竹房居士祇今開梵處
先生曾是草玄堂清尊林下看香印遠岫窻中挂鉢囊
今日有情消未得欲將名理問思光

襲美以紫石硯見贈以詩迎之

霞骨堅來玉自愁琢成飛燕

一作物象

古釵頭澄沙脆弱聞

應伏青鐵沈埋見亦羞最稱風亭批碧簡好將雲

一作雪

竇漬寒流君能把贈閒吟客偏寫江南物象酬

和襲美送孫發百篇遊天台

直應天授與詩情百詠唯消一日成去把彩毫揮下國
歸參黃綬別春卿閒窺碧落懷煙霧暫向金庭隱姓名
珍重興公徒有賦石梁深處是君行

奉和襲美聞開元寺開筍園寄章上人

春龍爭地養檀欒
況是雙林雨後看
迸出似毫當垓塼
孤生如恨倚欄干
凌虛勢欲齊金刹
折贈光宜照玉盤
更得錦苞零落後
粉環高下揭烟寒

薔薇

倚牆當戶自橫陳
致得貧家似不貧
外布芳菲雖笑日
中含芒刺欲傷人
清香往往生遙吹
狂蔓看看及四鄰
遇有客來堪玩處
一端晴綺照煙新

奉和襲美開元寺佛鉢詩

空王初受逞神功四鉢須臾現一重

至今鉢緣有四重也

持次想

添香積飯覆時應帶步羅鍾光寒好照金毛鹿響靜堪

降白耳龍從此寶函香裏見不須

一作頌

西去詣靈峰

酬襲美夏首病愈見招次韻

雨多青合是垣衣一幅蠻牋夜款扉蕙帶又聞寬沈約
茅齋猶自憶王微方靈祇在君臣正篆古須拋點畫肥
除却伴談秋水外野鷗何處更忘機

新夏東郊閒泛有懷襲美

遲於春日好於秋野客相攜上釣舟
經畧時冠暫亞佩笭箠後帶頻撈
蕪葭鷺起波搖笠村落蠶眠樹挂鉤
料得祇君能愛此不爭煙水似封侯

四月十五日道室書事寄襲美

烏飯新炊芼臠香道家齋日以為常
月苗杯舉存三洞雲藥函開叩九章
一掬陽泉堪作雨數株秋石欲成霜
可中值著雷平信為覓閒眠苦竹牀

看壓新醅寄懷襲美

曉壓糟牀漸有聲，旋如虎澗野泉清。
身前古態燠應出，世上愁痕滴合平。
飲啄斷年同鶴儉，風波終日看人爭。
尊中若使常能渌，兩綬通侯總強名。

奉和襲美登初陽樓寄懷北平郎中

遠窻浮檻亦成年，幾伴楊公白晝筵。
日暖煙花曾撲地，氣浮星象却歸天。
閑將水石侵軍壘，醉引笙歌上釣船。
無限恩波猶在目，東風吹起細漪漣。

奉和夏初襲美見訪題小齋次韻

四鄰多是老農家
百樹雞桑半頃麻
盡趁清明修網架
每和煙雨掉綠車
啼鶯偶坐身藏葉
餉婦歸來鬢有花
不是對君吟復醉
更將何事送年華

奉和襲美所居首夏水木尤清適然有作次韻
柿陰成列藥花空
却憶桐江下釣筒
亦以魚蝦供熟鷺
近緣櫻筍識鄰翁
閒分酒劑多還少
自記書籤白間紅
更愛夜來風月好
轉思玄度對支公

奉和襲美題達上人藥圃二首

藥味多從遠客齎旋添花圃旋成畦三桠舊種根應異
九節初移葉尚低山萸便和幽澗石水芝須帶本池泥
從今直到清秋一作明日又有香苗幾番一作菴齊

淨名無語示清羸藥草搜來喻更微一雨一風皆遂性
花開花落盡忘機教疏免鏤金弦亂免絳別名自擁龍芻紫

永肥莫怪獨親幽圃生病容銷盡欲依歸

奉和襲美懷華陽潤卿博士三首

幾降真官授隱書洛公曾到夢中無眉間入靜三辰影

肘後通靈五嶽圖北洞樹形如曲蓋東凹山色似薰爐
金墟福地能容否願作岡前蔣負芻

火景應難到洞宮蕭閒堂冷任天風談玄塵尾拋雲底
服散龍胎在酒中有路還將赤城接無泉不共紫河通
奇編早晚教傳授免以神仙問葛洪

終日焚香禮洞雲更思琪樹轉勞神曾尋下泊

宮名常經

月不到中峰又累春仙道最高黃玉籙暑天偏稱白綸
巾清齋若見茅司命乞取朱兒十二斤

以竹夾膝寄贈襲美

截得貧簷冷似龍翠光橫在暑天中堪臨薤簾閒憑月
好向松窻卧跂風持贈敢齊青玉案醉吟偏稱碧荷筒
添君雅具教多著為著西齋譜一通

奉和襲美夏景無事因懷章來二上人次韻

簷外青陽有二梅折來堪下凍醪杯

離騷注云盛夏以醇酒置冰上高

杉自欲生龍腦小弁誰能寄鹿胎麗事肯教饒沈謝談
微一作微談何必減宗雷還聞擬結東林社爭奈淵明醉不

來

忽憶高僧坐夏堂
厭泉聲鬧笑雲忙
山重海澹懷中印
月冷風微宿上方
病後書求嵩少藥
定迴衣染貝多香
何時更問逍遙義

道林有逍遙遊別義

五粒松陰半石牀

頃自桐江得一釣
車以襲美樂煙波之思
因出
以為玩俄辱三篇復抒酬荅

旋屈金鉤劈翠筠
手中盤作釣魚輪
忘情不效孤醒客
有意閒窺百尺鱗
雨似輕埃時一起
雲如高蓋強相親

任他華轂低頭笑此地終無覆敗人

曾招漁侶下清潯獨壘初隨一錘深細輾煙華無轍跡
靜含風力有車音相呼野飯依芳草迭和山歌逗遠林
得失任渠但取樂不曾生箇是非心

病來縣著脆緡絲獨喜高情為我持數幅尚凝煙雨態
三篇能賦蕙蘭詞雲深石靜閒眠穩月上江平放溜遲
第一莫教諳此境倚天功業待君為

奉和襲美吳中書事寄漢南裴尚書

風清地古帶前朝遺事紛紛未寂寥三泖涼波魚鱗動

遠祖士衡對晉武帝以三泖冬溫夏清

五茸春草雉媒嬌

五茸吳王獵所草各有名

雲

藏野寺分金刹月在江樓倚玉簫不用懷歸忘此景吳

王看即奉弓招

奉和襲美夏景冲澹偶作次韻二首

蟬雀參差在扇紗竹襟輕利籜冠斜壚中有酒文園會
琴上無絃靖節家芝畹煙霞全覆穗橘洲風浪半浮花
閒思兩地忘名者不信人間髮解華

祇於池曲象山幽便是瀟湘浸石樓斜拂芙蓉盤輕鷺下
細穿菱線小鯢遊閒閒茗焙嘗須徧醉撥書帷卧始休
莫道仙家無好爵方諸還拜碧琳侯

奉和襲美送李明府之任南海

春盡之官直到秋嶺雲深處凭瀧樓居人愛近沈珠浦
候吏多來拾翠洲賓稅盡應輸紫貝蠻童多學佩金鉤
知君不戀南枝久拋却經冬白罽裘

奉和襲美寄題羅浮軒轅先生所居

鼎成仙馭入崆峒百世猶傳至道風
暫應青詞為穴鳳却思丹徼伴冥鴻
金公的的生爐際瓊刃時時到夢中
預恐浮山歸有日載將雲室十洲東

奉和襲美寄瓊州楊舍人

明時非罪謫何偏鵬鳥巢南更數千
酒滿椰杯消毒霧

風隨蕉葉

一作扇

下瀧船人多藥戶生

一作行

狂蠱吏有珠

官出俸錢祇以直誠天自信不勞詩句詠貪泉

奉和襲美宿報恩寺水閣

峰抱池光曲岸平月臨虛檻夜何清僧穿小檜纔分影
魚擲高荷漸有聲因憶故山吟易苦各橫秋簟夢難成
周顒不用裁書勸自得涼天證道情

奉和襲美醉中偶作見寄次韻

海鶴飄飄韻莫儕在公猶與俗情乖初呈酒務求專判
合禱山祠請自差永夜譚玄侵罔象一生交態忘形骸
憐君醉墨風流甚幾度題詩小謝齋

奉和襲美寄滑州李副使員外

洛生閒詠正抽毫忽傍旌旗著戰袍檄下連營皆破膽
劒離孤匣欲吹毛清秋月色臨軍壘半夜淮聲入賊壕
除却征南為上將平徐功業更誰高

奉和襲美吳中言懷寄南海二同年

曾見凌風上赤霄盡將華藻赴嘉招城連虎踞山圖麗
路入龍編海舶遙江客漁歌衝白荇野禽人語映紅蕉
庭中必有君遷樹莫向空臺望漢朝

交州記云有君遷樹有朝臺尉陀望

漢所
築

奉和襲美傷史拱山人

曾說山棲欲去尋，豈知霜骨葬寒林。常依淨住師冥目，

無事容成學算心。

史學浮圖
燕善算術

逋客預齋還梵唱，老猿窺

祭亦悲吟。唯君獨在江雲外，誰誅孤貞置峴岑。

白鷗詩

并序

樂安任君嘗為涇尉，居吳城中，地纔數畝而不佩俗物，有池，池中有島嶼，池之南西北邊合二亭，修篁嘉木，掩隱隈隩處，其一不見其二也。君好奇樂

異喜文學名理之士所得皆清散凝瑩襲美知而
偕詣既坐有白鷗翩然馴於砌下因請浮而翫之
主人曰池中之族老矣每以豪健據有鷗之始浮
輒逐而害之今畏不敢入吁昔人之心蓄機事猶
或舞而不下況害之哉且羽族麗於水者多矣獨
鷗為閒暇其致不高耶一旦水有鯨鯢之患陸有
狐狸之憂儔侶不得命嘯塵埃不得澡刷雖蒙人
之流賞亦天地之窮鳥也感而為詩邀襲美同作

慣向溪頭漾淺沙薄煙微雨是生涯時時失伴沈山影
往往爭飛雜浪花晚樹清涼還鷓鴣舊巢零落寄蕪葭
池塘信美應難戀針在魚唇劍在蝦

懷楊台文楊鼎文

一作台鼎

二秀才

秋早相逢待得春崇蘭清露小山雲

崇蘭小山
郡中二堂

寒花獨

自愁中見曙角多同醒後聞釣具每隨輕舸去詩題閒
上小樓分重思醉墨縱橫甚書破羊欣白練裙

奉和襲美謝友人惠人參

五葉初成椶樹陰紫團峰外即雞林名參鬼蓋須難見
材似人形不可尋品第已聞升碧簡攜持應合重黃金
殷勤潤取相如肺封禪書成動帝心

嚴子重以詩遊於名勝間舊矣余晚於江南相
遇甚樂不幸且沒襲美作詩序而弔之其名
真不朽矣又何戚其死哉余因息悲而為之

和

每值

憶一作

江南日落春十年詩酒愛逢君芙蓉湖上吟

船倚翡翠岩前醉馬分祇有汀洲連舊業豈無章疏動
遺文猶憐未卜佳城處更斷要離冢畔雲

算山

水繞蒼山固護來當時盤踞實雄才周郎計策清宵定
曹氏樓船白晝灰五十八年爭虎視三千餘騎騁龍媒
何如今日家天下閭閻門臨萬國開

寄茅山何威儀二首

大小三峰次九華靈蹤今盡屬何家漢時仙上雲巔鶴

蜀地春開洞底花
閒傍積嵐尋瀑眼
便凌殘雪探芝芽
年來已奉黃庭教
夕鍊腥魂曉吸霞

曾向人間拜節旄
乍疑因夢到仙曹
身輕曳羽霞襟狹
髻聳峨煙鹿幘高
山暖不葷峰上薤
水寒仍落洞中桃
從聞此日搜奇話
轉覺魂飛夜夜勞

欽定四庫全書



卷六百二十五

御定全唐詩卷六百二十五

欽定四庫全書

御定全唐詩卷六百二十六

陸龜蒙

早秋吳體寄襲美

荒庭古樹只獨倚，敗蟬殘蛩苦相仍。雖然詩膽大如

一作

於斗爭，奈愁腸牽似繩。短燭初添蕙幌影，微風漸折蕉

衣稜。安得彎弓似明月，快箭拂下西飛鵬。

病中秋懷寄襲美

病容愁思苦相兼清鏡無情未我嫌
貪廣異疏行徑窄故求偏藥出錢添
同人散後休賒酒雙燕辭來始下簾
更有是非齊未得重憑詹尹拂龜占

秋賦有期因寄襲美

時將主
試貢士

雲似無心水似閒忽思名在貢書間
煙霞鹿弁聊懸著隣里漁舸暫解還
水草病來猶滿篋藥苗衰後即離山
廣寒宮樹枝多少風送高低便可攀

和襲美新秋即事次韻三首

心似孤雲任所之，世塵中更有誰知愁。尋冷落驚雙鬢，
病得清涼減四支。懷舊藥，溪終獨往宿枯杉寺已頻期。
無須為月求高處，即是霜輪殺滿時。

帆檝衣裳盡釣徒，往來蹤跡遍三吳。閒中展卷興亡小，
醉後題詩點畫麤。松島伴譚多道氣，竹窻孤夢豈良圖。

還須待致昇平了，即往

一作任

扁舟放五湖。

聲利從來解破除，秋灘唯憶下桐廬。鷗鷺陣合殘陽少，
蜻蛚吟高冷雨疎。辯伏南華論指指，才非玄晏借書書。

當時任使真堪笑波上三年學炙魚

和襲美贈南陽潤卿將歸雷平

朝市山林隱一般却歸那減卧雲懼墮階紅葉誰收得

半盞清醪客酌

一作醉

乾玉笈詩成吟處曉金沙泉落夢

中寒真仙若降如相問曾步星罡繞醮壇

顧道士亡弟子奉束帛乞銘於襲美因賦戲贈

童初真府召為郎君與抽毫刻便房亦謂神仙同許郭
不妨才力似班揚比於黃絹詞尤妙酬以霜縑價未當

唯我有文無賣處筆鋒銷盡墨池荒

和訪寂上人不遇

芭蕉霜後石欄荒林下無人閉竹房經抄未成拋素几
錫環應撼過寒塘蒲團為拂浮埃散茶具空懷碧餠香
早晚却還宗炳社夜深風雪對禪牀

秋夕文宴

得成字

筆陣初臨夜正清擊銅遙認小金鉦飛觥壯若遊燕市
覓句難於下趙城隔嶺故人因會憶傍簷棲鳥帶吟驚

梁王座上多詞客五韻甘心第七成

梁昭明嘗文宴賦詩各五韻劉孝威

第七

方成

南陽廣文欲於荆襄卜居襲美有贈代酬次韻
不知天隱在何鄉且欲煙霞跡暫雙鶴廟未能齊月馭
鹿門聊擬並雲窻蘇街荒磴移桑屐花浸春醪挹石缸
莫惜查頭容釣伴也應東印有餘江

和襲美寄毗陵魏處士朴

經苑初成墨沼開何人林下肯尋來若非宗測圖山後

即是韓康賣藥迴溪籟自吟朱鷺曲沙雲還作白鷗媒
唯應地主公田熟時送君家麴蘖材

和襲美初冬偶作寄南陽潤卿次韻

逐日生涯敢計冬可嗟寒事落然空窻憐返照緣書小
庭喜新霜為橘紅衰柳尚能和月動敗蘭猶擬倩煙籠
不知海上今清淺試與飛書問洛公

和襲美冬曉章上人院

山寒偏是曉來多況值禪窻雪氣和病客功夫經未演

故人書信衲新磨閒臨靜案修茶品獨傍深溪記藥科
從此逍遙知有地更乘清月伴君過

和襲美寄題鏡巖周尊師所居

見說身輕鶴不如石房無侶共雲居清晨自削靈香杓
獨夜空吟碧落書十洞飛精應徧吸一簪秋髮未曾梳
知君便入懸珠會早晚東騎白鯉魚

寒夜文宴得驚字

各將寒調觸詩情旋見微澌入硯生霜月滿庭人暫起

汀洲半夜雁初驚
三秋每為仙題想
一日一作多因累

句傾千里建康衰
草外含毫誰是憶
昭明

送潤卿還華陽

何事輕舟近臘回
茅家兄弟欲歸來

茅司命以三月十八日十二月二日

會於華陽天

封題玉洞虛無奏
點檢霜壇沆瀣杯
雲肆先生

分氣調山圖公子
愛詞才殷勤為向東鄉薦
灑掃含真雪後臺

和襲美為新羅弘惠上人撰靈鷲山周禪師碑

送歸詩

一函迢遞過東瀛祇為先生處乞銘已得雄詞封靜檢
却懷孤影在禪庭春過異國人應寫夜讀滄洲怪亦聽
遙想勒成新塔下盡望空碧禮文星

和襲美寒日書齋即事三首每篇各用一韻

不必探幽上鬱岡公齋吟嘯亦何妨唯求薏苡供僧食
別著艷觥待客牀春近帶煙分短蕙曉來衝雪撼疎簷
餘杭山酒猶封在遙囑高人未肯嘗

已上星津八月槎文通猶自學丹砂

江文通有丹砂可學賦

仙經

寫得空三洞隱士招來別九華靜對真圖呼綠齒偶開
神室問黃芽方諸更是憐才子錫賚於君合有差

名價皆酬百萬餘尚憐方丈講玄虛西都賓問曾成賦

東海人求近著書

襲美嘗作弔江都賦又新羅僧請為大師碑文

茅洞煙霞侵

寤寐檀溪風月挂樵漁清朝還要廷臣在兩地寧容便
結廬

和襲美臘後送內大德從勗遊天台

應緣南國盡南宗欲訪靈溪路暗通

溪在天台山下

歸思不離

雙闕下去程猶在四明東銅餅淨貯桃花雨金策閒搖

麥穗風

上人指期國清過夏

若戀吾君先拜疏為論台嶽未封公

和襲美寄題玉霄峰葉涵象尊師所居

天台一萬八千丈師在浮雲端掩扉永夜祇知星斗大
深秋猶見海山微風前幾降青毛節雪後應披白羽衣
南望煙霞空再拜欲將飛魄問靈威

南陽廣文博士還雷平後寄

微微春色染林塘，親撥煙霞坐澗房。
陰洞雪膠知未入，濁醪風破的偷嘗。
芝臺曉用金鐺一作錄煮，星度閒將玉
鈴量。幾遍待晨官欲降，曙壇先起獨焚香。

和襲美題支山南峰僧次韻

眉毫霜細欲垂肩，自說初棲海嶽年。
萬壑煙霞秋後到，一林風雨夜深禪。
時翻貝葉添新藏，間插松枝護小泉。
好是清冬無外事，匡牀齋罷向陽眠。

送董少卿遊茅山

威輦高懸度世名至今仙裔作公卿將隨羽節朝珠闕

曾佩魚符管赤城

董嘗判
台州

雲凍尚含孤石色雪乾猶墮

古松聲應知四扇靈方在待取歸時綠髮生

和襲美寄懷南陽潤卿

高抱相逢各絕塵水經山疏不離身才情未擬湯從事

玄解猶嫌竺道人霞染洞泉渾變紫雪披江樹半和春

誰憐故國無生計唯種南塘二畝芹

襲美將以綠罽為贈因成四韻

三逕風霜利若刀，襜褕吹斷胃蓬蒿。
病中祇自悲龍具，世上何人識羽袍。
狐貉近懷珠履貴，薜蘿遙羨白巾高。
陳王輕煖如相遺，免致衰荷效廣騷。

和過張祜處士丹陽故居

并序

張祜字承吉，元和中作宮體小詩，辭曲豔發當時。
輕薄之流，能其才合，譟得譽及。老大稍窺建安風
格，誦樂府錄，知作者本意，短章大篇，往往間出，諫
諷怨謫，時與六義相左右，善題目，佳境言不可刊。

置別處此為才子之最也由是賢俊之士及高位
重名者多與之遊謂有鵲鷺之野孔翠之鮮竹柏
之貞琴磬之韻或薦之於天子書奏不下亦受辟
諸侯府性狷介不容物輒自劾去以曲阿地古澹
有南朝之遺風遂築室種樹而家焉性嗜水石常
悉力致之從知南海間罷職載羅浮石筍還不蓄
善田利產為身後計死未二十年而故姬遺孕凍
餒不暇前所謂鵲鷺孔翠竹柏琴磬之家雖朱輪

尚乘遺編尚吟未嘗一省其孤而恤其窮也噫人
假之為玩好不根於道義耶懼其怨刺於神明耶
天果不愛才沒而猶譴耶吾一不知之友人顏弘
至行江南道中訪其廬作詩弔而序之屬余應和
余汨沒者不足哀承吉之道邀襲美同作庶乎承
吉之孤倚其傳而有憐者

勝華通子共悲辛荒逕今為舊宅鄰一代交遊非不貴
五湖風月合教貧魂應絕地為才鬼名與遺編在史臣

聞道平生多愛石至今猶泣洞庭人

和襲美寄廣文先生

忽辭明主事真君直取姜巴路入雲龍篆拜時輕誥命
霓襟披後小玄纁峰前北帝三元會石上東卿九錫文
應笑世間名利火等閑靈府剩先焚

和襲美先輩悼鶴

一夜圓吭絕不鳴八公虛道得千齡方添上客雲眠思
忽伴中仙劍解形但掩叢一作毛穿古堞永留寒影在

空屏君才幸自清如水更向芝田為刻銘

幽居有白菊一叢因而成詠呈知己

還是延年一種材

菊之別名即將瑤一作瓊

朶冒霜開不如一作

知紅豔臨歌扇欲伴黃英入酒杯陶令接羅堪岸著梁

王高屋好歌來

梁朝有白紗高屋帽

月中若有閒田地為勸嫦娥

作意裁

和襲美傷開元觀顧道士

何事神超人杳冥不騎孤鶴上三清多應白簡迎將去

即是朱陵鍊更生藥
莫肯同椒醑味雲謠
空替薤歌聲
武皇徒有飄飄思
誰問山中宰相名

和襲美醉中即席贈潤卿博士次韻

共是虛皇簡上仙
清詞如羽欲飄然
登山凡著幾緗一作

量屐破浪欲乘千里船
遠夢只留丹井畔
閒吟多在酒

旗前誰知海上無名者
只記漁歌不記年

送浙東德師侍御罷府西歸

王謝遺蹤玉籍仙
三年閒上鄂君船
詩懷白閣僧吟苦

俸買青田鶴價偏行次野楓臨遠水醉中衰菊卧涼煙
芙蓉散盡西歸去唯有山陰九萬牋

送羊振文先輩往桂陽歸覲

風雅先生去一麾過庭才子趣歸期

時使君丈人自
毛詩博士出牧讓

王門外開帆葉義帝城中望戟支郢路漸寒飄雪遠湘
波初暖漲雲遲靈均精魄如能問又得千年賈傅詞

襲美留振文宴龜蒙抱病不赴猥示倡和因次

韻酬謝

綺席風開照露晴祇將茶薜代雲觥
繁絃似玉紛紛碎
佳妓如鴻一一驚
毫健幾多飛藻客
羽寒寥落映花鶯
幽人獨自西窗晚
閑凭香檉反照明

和襲美重送圖載上人歸日本國

老思東極舊巖扉
却待秋風泛舶歸
曉梵陽烏當石磬
夜禪陰火照田衣
見翻經論多盈篋
親植杉松大幾圍
遙想到時思魏闕
只應遙拜望斜暉

和襲美褚家林亭

一陣西風起浪花繞欄杆下散瑤華高窻曲檻仙侯府

卧

一作折

葦荒芹白鳥家孤島待寒凝片月遠山終日送

餘霞若知方外還

一作仙

如此不要秋乘上海槎

歸雁

北走南征象我曹天涯迢遞翼應勞似悲邊雪音猶苦
初背岳雲行未高月島聚栖防暗繳風灘斜起避驚濤
時人不問隨陽意空拾欄邊翡翠毛

王先輩草堂

松逕隈雲到靜堂
杏花臨澗水流香
身從亂後全家隱
日校人間一倍長
金錄漸加新品秩
玉皇偏賜羽衣裳
何如聖代彈冠出
方朔曾為漢侍郎

傷越

越谿自古好風煙
盜東兵纏已半年
訪戴客愁隨水遠
浣紗人泣共埃捐
臨焦賴灑王師雨
欲墮重登刺史天
早晚山川盡如故
清吟閒上鄂君船

新定陪太守一百五夜南館翫月

風雨教春處處傷
一宵雲盡見滄浪
全無片燭侵光彩
只有清灘助雪霜
煙蔽櫂歌歸浦溆
露將花影到衣裳
却嫌殷浩南樓夕
一帶秋聲入恨長

中元夜寄道侶二首

學餌霜葺骨未輕
每逢真夕夢還清
丁寧獨受金妃約
許與親題玉篆名
月苦撼殘臨水珮
風微飄斷繫雲纓
須臾枕上桐窗曉
露壓千枝滴滴聲

橘齋風露已清餘
東郭先生病未除
孤枕易為蛩破夢

短簷難得燕傳書
廣雲披日君應近
倒影栽花我尚疎
唯羨羽人襟似水
平持旄節步空虚

寄懷華陽道士

華陽門外五芝生
食罷愁君入杳冥
遙夜獨栖還有夢
昔年相見便忘形
為分科斗親鉛槧
與說蜉蝣坐竹櫺
醺後幾時歸紫閣
別來終日誦黃庭
閒教辨藥僮名甲
靜識窺巢鶴姓丁
絕澗飲羊春水膩
傍林燒石野煙腥
深沈谷響含疎磬
片段嵐光落畫屏
休採古書探禹穴

自刊新歷闢堯窠珠宮鳳合迎蕭史玉籍人誰訪蔡經
架上黑椽長褐穩案頭丹篆小符靈竈軒入洞齊初月
羽節升壇拜七星當路獨行衝虎豹向風孤嘯起雷霆
凝神密室多生白叙事聯編盡殺青西地山川皆暗寫
隱天竽籟祇閒聽分張火力燒金龜拂拭苔痕洗酒鉶
翠壁上吟朝復暮暖雲邊卧醉還醒倚身長短裁筇杖
倩客高低結草亭直用森嚴朝北帝愛將清淺問東溟
常思近圃看栽杏擬借鄰峰伴米苓
檉樹半扉晴靄靄

背琴殘燭曉熒熒舊來捫虱知王猛欲去為龍歎管寧
蟾魄幾應臨蕙帳漁竿猶尚枕楓汀銜煙細草無端綠
冒雨閒花作意馨掠岸驚波沈翡翠入簷斜照礙蜻蜓
初征漢棧宜飛檄待破燕山好勒銘六轡未收千里馬
一囊空負九秋螢我悲雌伏真方枘他騁雄才似建瓴
合在深崖齊散木一作木自求滄海點流萍頻拋俗物心
還爽遠憶幽期目刺瞋見買扁舟東真誥手披仙語任
揚舲

御定全唐詩卷六百二十六